

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), a u skladu sa članom 53. stav (2) Zakona o izvršavanju Budžeta Zeničko-dobojskog kantona za 2016. godinu („Službene novine Zeničko-dobojskog kantona, broj: 2/16 i 5/16), i člana 52. stav 2. Poslovnika o radu Vlade Zeničko-dobojskog kantona („Službene novine Zeničko-dobojskog kantona, broj: 5/11), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 92. sjednici, održanoj 04.04.2017. godine, d o n o s i

ZAKLJUČAK

I

Usvaja se Izvještaj o realizaciji Programa utroška sredstava budžeta Zeničko-dobojskog kantona za projekte iz oblasti veterinarstva za 2016. godini Ministarstva za poljoprivredu, šumarstvo i vodoprivredu, i čini sastavni dio ovog zaključka.

II

Zaključak stupa na snagu danom donošenja.

Broj: 02-_____ /17.

Datum, 04.04.2017. godine

Zenica

PREMIJER

Miralem Galijašević

DOSTAVLJENO:

1 x Ministarstvo za poljoprivredu, šumarstvo i vodoprivredu,

1 x Ministarstvo finansija,

1 x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



IZVJEŠTAJ
O REALIZACIJI PROGRAMA UTROŠKA SREDSTAVA BUDŽETA
ZA PROJEKTE IZ OBLASTI VETERINARSTVA ZA 2016. GODINU

Zenica, mart 2017. godine

IZVJEŠTAJ
o realizaciji Programa utroška sredstava budžeta za projekte iz oblasti veterinarstva
za 2016. godinu

I PROGRAM ZA PROJEKTE IZ OBLASTI VETERINARSTVA

Vlade Zeničko-dobojskog kantona zaključkom broj: 02-14-7059/16 od 29.03.2016 godine usvojila je Program utroška sredstava budžeta za projekte iz oblasti veterinarstva u 2016. godini u razdjelu 23, budžetska organizacija 01, potrošačka jedinica 0001, ekonomski kod 614100 "Tekući transfer za Institut za zdravlje i sigurnost hrane Zenica za projekte iz oblasti veterinarstva" u iznosu od 160.000,00 KM (slovima: stotinušezdesethiljada konvertibilnih maraka) Budžeta Zeničko-dobojskog kantona za 2016. godinu ("Službene novine Zeničko-dobojskog kantona", broj: 2/16).

U skladu sa odobrenim sredstvima Budžeta za 2016. godinu u iznosu od 160.000,00 KM za svaku planiranu aktivnost iz Programa, Vlada će posebnim zaključcima odobravati sredstva na zahtjev Javne ustanove „Institut za zdravlje i sigurnost hrane“ Zenica.

Izmjenama Budžeta Zeničko-dobojskog kantona za 2016. godinu ("Službene novine Zeničko-dobojskog kantona", broj: 12/16) za poziciju "Tekući transfer za Institut za zdravlje i sigurnost hrane Zenica za projekte iz veterinarstva" planirana su sredstva u iznosu od 110.000,00 KM.

Programom su predviđene slijedeći projekti po oblastima i to:

1. Peradarstvo
2. Mljekarstvo
3. Zoonoze

Podizanje svijesti farmera o važnosti kontrole zdravlja domaćih životinja u uzgoju, bitnosti provođenja preventivnih epizootioloških i zootehničkih mjera na samim farmama. Potreba vođenja farmskih evidencija, uvođenje dobre farmske praksa i briga za dobrobit životinja, kao preduslov za kvalitetan uzgoj i garancija za proizvodnju sigurnih i zdravih proizvoda za krajnjeg konzumenta, te uložiti i odgovornosti farmera u zaštiti zdravlja ljudi, dodatno su uticali na odabir navedenih projekata.

II AKTIVNOSTI PLANIRANE PROJEKTIMA IZ OBLASTI VETERINARSTVA

- Analiza stanja (anketno ispitivanje uzgajivača peradi i mliječnih goveda po pitanju znanja, stavova i ponašanja dobre farmske prakse, odgovornosti u provođenju preventivnih mjera kao i analiza higijenskih uslova u uzgojima peradi i mliječnih goveda).
- Anketno ispitivanje konzumenata o znanju puteva širenja bolesti preko rizičnih namirnica.

- Edukacija uzgajivača peradi Zeničko-dobojskog kantona
- Edukacija farmera Zeničko-dobojskog kantona o provođenju preventivnih epizootioloških i zootehničkih mjera, prevenciji mastitisa, adekvatnoj ishrani muznih goveda, opasnostima od nekontrolisane upotrebe veterinarskih lijekova, pojavi rezidua u mlijeku, dobroj farmskoj praksi i ekonomičnosti proizvodnje mlijeka.
- Bakteriološke analize uzoraka sekreta vimena kod pozitivnog CMT-a.
- Antibiogrami kao pokazatelj rezistencije mikroorganizama uzročnika mastitisa.
- Edukacija konzumenata o prepoznavanju i smanjenju rizika od bolesti.
- Analiza stanja nakon intervencije (ponovno anketno ispitivanje uzgajivača peradi i mliječnih goveda po pitanju znanja, stavova i ponašanja, kao i analiza odgovornosti u provođenju preventivnih mjera, vakcinacija, kontrole kretanja (obilježavanja životinja), vođenja farmskih evidencija, analiza higijenskih uslova uzgoja peradi i proizvodnje mlijeka sa posebnim akcentom na mastitise, oboljenja mliječne žlijezde i ekonomske gubitke koji iz toga proizilaze).

III CILJEVI PROJEKATA

- Podizanje svijesti farmera o važnosti kontrola salmonele u uzgojima peradi i bitnosti provođenja preventivnih epizootioloških i zootehničkih mjera na samim farmama.
- Potreba vođenja farmskih evidencija kao preduslova dobivanja kvalitetnih uzgoja slobodnih od salmonela, dobra farmska praksa, kao garancija za dobivanje sigurnih proizvoda za krajnjeg konzumenta.
- Kontrole zdravlja muznih grla, bitnost provođenja preventivnih epizootioloških i zootehničkih mjera na samim farmama, te korištenje adekvatne i izbalansirane ishrane.
- Kontrole zdravlja mliječne žlijezde-vimena, higijena muže, pojava rezistentnih mikroorganizama kao posljedica nekontrolisane upotrebe veterinarskih lijekova – antibiotika, problemi pojave rezidua u mlijeku,
- Potreba vođenja farmskih evidencija, dobra farmska praksa i briga za dobrobit životinja, kao preduslov za uzgoj kvalitetnih mliječnih grla i garancija za proizvodnju sigurnih proizvoda za krajnjeg konzumenta.
- Ekonomičnost proizvodnje i podsticaj izvoza.
- Podizanje razine svijesti imalaca životinja kao primarnog izvora zaraze, kroz kontrolu kretanja, vođenja farmskih evidencija i provođenju propisanih preventivnih mjera.

IV REALIZACIJA PROGRAMA

Zahtjevom Instituta za odobrenje sredstava iz Budžeta broj: 02-2583/16 od 12.10.2016. godine u Ministarstvo za poljoprivredu, šumarstvo i vodoprivredu (u daljem tekstu: Ministarstvo) dostavljena je Informacija Instituta broj: 02-2580/16 od 12.10.2016. godine o provedenim planiranim aktivnostima iz Programa utroška sredstava Budžeta. Na traženje Ministarstva da se zahtjev upotpuni sa dokumentacijom koja opravdava zahtjev, dana 27.12.2016. godine u Ministarstvo je zaprimljen zahtjev Instituta za odobrenje sredstava broj: 02-3327-1/16 od 26.12.2016. godine kojim su dostavljeni Projekti Instituta za zdravlje i sigurnost hrane Zenica iz oblasti veterinarstva u 2016. godini i Preliminarni izvještaj o realizaciji projekata Instituta za zdravlje i sigurnost hrane Zenica iz oblasti veterinarstva u 2016. godini, broj: 02-3327/16 od 26.12.2016. godine.

V REALIZACIJA SREDSTAVA

Na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona je usvojila Zaključak broj: 02-14-21406/16 od 29.12.2016. godine kojim je JU "Institutu za zdravlje i sigurnost hrane" Zenica (u daljem tekstu:Institut) odobrena sredstva u iznosu od 110.000,00 KM (slovima: stotinudesethiljada KM) za projekte iz oblasti veterinarstva u 2016. godini u skladu sa dostavljenim Preliminarnim izvještajem o realizaciji projekata Instituta iz oblasti veterinarstva u 2016. godini. Istim zaključkom Vlada Zeničko-dobojskog kantona zadužila je Institut da do 31.01.2017. godine dostavi konačni detaljni finansijski Izvještaj o namjenskom utrošku sredstava iz dostavljenih projekata i svu prateću dokumentaciju kojom opravdava realizaciju projekata.

Dana 27.02.2017. godine Ministarstvo za poljoprivredu, šumarstvo i vodoprivredu zaprimilo je od Instituta Izvještaj o realizaciji projekata Instituta iz oblasti veterinarstva u 2016. godini, broj: 02-393/17 od 24.02.2017. godine, koji čini sastavni dio ovog Izvještaja. Izvještajem Instituta prikazano je na koji način je Institut utrošio transferisana budžetska sredstva shodno Programu utroška sredstava budžeta za projekte iz oblasti veterinarstva u 2016. godini.

VI POSTIGNUTI EFEKTI

U narednom periodu nakon završenih projekata, efekti će se prvenstveno ogledati u unapređenju i boljem zdravstvenom kvalitetu proizvoda životinjskog porijekla (mesa, mlijeka itd) i smanjenju pojave zaraznih bolesti životinja (zoonoza).

Obrađivač : dr.vet.med Tabak Ermin

MINISTAR

Himzo Smajić